

# IL TAPINO

che narra il proprio stato

(Poesia in dialetto Romagnolo)

Brutta cosa a nasc puvret  
Chi na i calzun, chi na i calzet,  
Chi a al scerp chiamenca al sol,  
Chi na i quattren da paghè el nol;  
Se pu st' aq cle una affar seria,  
Da per tutt iè una miseria,  
Sè in Città che ti castel,  
S' ved al don con i burdel,  
Andè a dmandè la carità  
Che verament al fa pietà,  
I marid iè sempre a spas,  
Chi na trova da fè sas,  
Si va a fe qualche giorneda  
I ni da una buzzareda //;  
Quand ia fat el tirà tira  
I fa un bel fe sui da una lira;  
E un puvrett cla moi e fiol  
Dop chi metta so i fasol  
Quand ia fat tutt i su cunt  
Tri tla legna quattre a tlunt  
Sè bulen tla farinela  
Tri sulden d' una scudela  
Un franchet e va d' capot  
E pu ià fema quant le not;  
Che siarmedia la farena  
I farà un enta piadena,  
E se e convent un da più quel  
Iè costret a sli budel  
Tutt la nota a fe di rugg  
Come una vaca quand la mugg,  
Tra ioperai cla pasa ben  
Mei di tutt le i cuntadineg,  
Ma anche tra d' lor iè un puvritt  
Chià fadiga a pè ande dritt //,  
Sa che po che lo i guadagna  
Ui ni sarà cinquenta c' magna.  
L' arcipret dla su parocia  
A to al desme e va sla brocia //.

Dop e pasa e fraticel  
Alla cerca dli garnel  
Opur che porta una barila  
O ven o d' most e vo rampila,  
E padron de terren  
E vo la perta enca di spen.  
Dop e ven quii de mus dur  
Cle cli placi di cursar.  
I va a truvè tenti lunadghe  
O chià davè per e fumadghe,  
O per la tasa mobiliera,  
O pi tribut chi vo dla tera  
E pu al savim cle certa genta  
Che per poe la iè contenta.  
E pu je nenta partida,  
Pi tribut la ne già fnida?  
Iè l'affer de macined  
Che t'governe dispered  
Che vo fe tent e macac  
A ti mulen av cima i sac.  
Un po che va tla valadura,  
Dop iè e dezie, la muntura  
Sa che strac d' una scudela  
Poc navezza a mna cassela.  
E la tasa mobigliera  
Lan vi per una purchera?  
Invec da ton a ma sti rich  
I cerca d' mong' a ma sti sich  
Con del tas all' ultime segn  
E sin pega ii ya a fe e pagn.  
Tutt i guerdà da ste pront  
D' andè in uffizie a paghe e cont  
Si no e ven giù una brutta faccia  
D' un cursor s' una trombacia  
E cmenza a fe taratata  
Ui vend roba quant i na.  
E quand un le dispered  
Cosa el più considered?

ALE L. 50

